



UST

Umhverfisstofnun

Environment and Food Agency of Iceland

Laugavegur 24
101 Reykjavík, Ísland

Tel: +354 491 2000

Fax: +354 491 2010

umhverfisstofnun@ust.is

www.umhverfisstofnun.is

Alþingi - Samgöngunefnd
Austurstræti 8-10
150 Reykjavík

Reykjavík, 26. mars 2008


Tilvísun: UST20080300017/tb

Efni: Tillaga til þingsályktunar um lestarsamgöngur

Vísað er í bréf frá Samgöngunefnd Alþingis, dags. 4. mars sl., þar sem óskað er eftir umsögn Umhverfisstofnunar um tillögu til þingsályktunar um athugun á hagkvæmni lestarsamgangna, 402. mál. Í tillögunni er gert ráð fyrir að láta kanna hagkvæmni lestarsamgangna milli Keflavíkurflugvallar og Reykjavíkur annars vegar og léttlestakerfis innan höfuðborgarsvæðisins hins vegar. Kannaðir verði kostir þessa samgöngumáta og gallar og að sjónum verði einkum beint að kostnaði og ávinningi samfélagsins og efnahagslegum, umhverfislegum og skipulagslegum áhrifum. Leitað verði til sérfræðinga innan lands og utan. Niðurstöður athugunarinnar liggi fyrir í árslok 2008.

Umhverfisstofnun telur brýna nauðsyn vera á því að auka þátt almenningssamgangna í samgöngum á höfuðborgarsvæðinu. Stofnunin telur að bættar almenningssamgöngur s.s. notkun lesta eða léttlesta muni hafa í för með sér mikinn umhverfislegan ávinning m.a. minni myndun svifryks og minni losun gróðurhúsalofttegunda og annarra mengunarefna. Minni notkun einkabíla mun væntanlega einnig hafa í för með sér annan ávinning svo sem minna slit á vegum, færri slys og minni þörf á landi undir samgöngumannvirki, sjá annars greinargerð með framangreindri tillögu. Umhverfisstofnun styður að hagkvæmni lestarsamgangna/léttlesta verði skoðuð en telur að einnig megi skoða lestarsamgöngur með hliðsjón af þeim möguleika að hafa fría akrein á aðalleiðum strætisvagna á höfuðborgarsvæðinu sem eingöngu er ætluð fyrir almenningssamgöngur. Þessu er hægt að hrinda í framkvæmd tiltölulega hratt með samstilltu átaki þeirra sveitarfélaga sem málið varða. Tryggja verður að útfærsla almenningssamgangna verði með þeim hætti að þær verði raunverulegur kostur í stað einkabílsins.

Virðingarfyllst


Kristín Linda Arnadóttir
Forstjóri


Trausti Baldursson